

南開大學中國社會史研究中心資料叢刊

近代旅遊指南彙刊

21



鳳凰出版社

南開大學中國社會史研究中心資料叢刊

近代旅遊指南彙刊

21



鳳凰出版社

第二十一冊

湖山便覽 卷七至卷十二

翟灝

翟瀚 編

光緒元年……

卷七至卷十二

湖山便覽

翟灝 翟瀚 編

光緒元年

湖山便覽

四

湖山便覽卷七

仁和翟瀚同緝

杭州王維翰玉堂重訂

南山路

湧金門外

舊有湧金樓豐樂樓

沿城為柳洲有二

賢祠問水亭

舊有柳洲寺柳洲亭五龍王廟張子野舊廬環碧園養魚莊小瀛洲稍

北有集賢亭

舊有兩峰書院

湧金門

北宋城門名也紹興二十八年增築杭城改

湧金為豐豫明初仍稱湧金雲麓漫鈔謂其地即古

金牛出現之所故以為名亦稱小金門楊萬里有未

說湖山佳處在清晨湧出小金門句省城各門俱有
重城而湧金獨無蓋即倚湖為外勢也稍北有水門
吳越時引湖水入城為池文穆王元瓘書湧金池三
大字刻石識其旁云清泰三年丙申之歲建午之月
特開此池 國朝康熙四十八年

聖祖仁皇帝南巡駐蹕太平坊 御舫由此達湖

楊蟠湧金池

春色晚吹落碧桃花一片何人得流經十萬家○施
樞湧金門外柳絲舞困起炊烟羅綺相催欲上船
貴治亦知春有夜暖沙還付白鷗眠○貢性之湧金
門見柳 湧金門外柳垂金三日不來成綠陰折取
一枝入城去教人知道已春深

湧金樓 明一統志云在城西朱郡守徐鑄建其制甚
偉與湖堂五龍王廟鼎足相望張矩西湖十景詞後
闕皆以湧金樓引起蓋登斯樓作也

豐樂樓 都城紀勝云在湧金門外與門相值宋初爲
眾樂亭南渡屬楊和王存中改聳翠樓後張定叟兼
領庫事取以爲官酒庫改名豐樂淳祐中趙與簋更
撤新之又贅月池立秋千校門植花木構數亭宏麗
爲湖山冠凡朝紳同年會拜鄉會俱集于此

董嗣杲
豐樂樓

鶯花簫鼓綺羅叢人在熙和境界中海宇三登歌
化日湖山一覽醉春風水搖層棟青紅溼雲鎖危梯

粉黛空千里掌平都掩盡有誰曾記建樓功○李通
題豐樂樓圖錢塘城郭古神州勝槩千年尚有樓
南浦雲開珠箔曉西山雨歇畫闌秋玉人歌舞成春
夢芳草王孫失舊游物換星移餘事在酒邊殘墨記
風流○劉泰豐樂樓層層高處宴王孫湖上春
山落酒尊三百年來如一夢月明還照湧金門

湖堂臨安志云在豐豫門外郡守蔣樂安公剏建前

有集賢亭右有聳翠樓堂郭祥正湖堂宴啟舊綴集

影襯芙蓉○薛昂題湖堂一段風烟不可關出門
滿目是湖山背人華廈今何在此日漁舟任自閒鳳
觀漸新霄漢上龍洲依舊水雲間歸
來邱壑多幽趣願與諸君約往還

杏花園在湧金門外張仲文白獺髓云迎春黃胖起

于杏花園居人多取其地黃土戲捏人形遊湖者買

同分遺謂之湖上土宜

迎光樓

在湧金門外萬歷錢唐志云張循王別業乾

道間循王女孫奉敕爲尼守慈福宮香火賜號真寂

妙明惠懿大師就聚景園前建菴以居因佛指放光

賜慧光爲額此樓以迎光名蓋與相近

柳洲

南宋時自湧金門至錢塘門沿城五里隄岸徧

插垂柳凡貴戚遊覽必自柳洲以抵昭慶然後還湖

曲而西

郭祥正柳洲春光湖水滿春色柳洲深莫

二首

一作風中線條條繫客心○曹助泛湖次柳洲

浪篷邊去疊疊青山枕上看湧金門

靜舍乘閒一葦杭入

門松竹獻清涼倚闌潏碧
龜魚樂照眼荷花風露香

柳州寺 天福五年錢王建于清波門外舊額資福宋

改惠明紹興間斥為聚景園徙柳州通元菴舊基因

呼柳州寺 風景依稀最可憐彭澤有人歸栗里海波

何處變桑田聯拳鷺立枯荷雨寂寞鴉棲古

樹烟幾度湧金門外望居民猶說總宜船

按通元菴廢已久潛志不錄李志因潛氏景隆觀

柳州亭 即柳州寺舊址明嘉靖間郡守陳仁賢建名

柳州別館 館後有樓題曰豐樂存舊蹟也未幾陳公

復任本省布政司重脩之改額柳洲亭

出藝薈柳洲亭觀荷花

荷花半吐玉娟娟荷葉凝眸碧似泉鏡裏寫成西子照醉中扶上若耶船逼清逼潔平湖小難雨難雲小暑天莫向第三橋畔去蘇家楊柳瘦堪憐

五龍王廟

臨安志云會靈廟卽柳洲龍王廟中燬寓

惠明寺慶元六年禱雨應賜額會靈安撫王補之買地寺旁未鳩工而去開禧元年安撫趙師霁終其事四朝聞見錄云師霁重塑五王像旒冕珪服畢具其中三像一模韓侂胄一模陳自強一模師霁時韓陳猶在臺臣攻師霁者唯疏中及師霁自貌其像蓋不

敢斥韓陳云

張子野舊廬

在柳洲見覽勝志子野名先以樂府馳

名人謂之張三中謂心中事眼中淚意中人也子野
曰何不目我爲張三影蓋雲破月來花弄影浮萍斷
處見山影隔牆送過鞦韆影皆子野得意句也東坡
倅杭子野年八十五矣尙聞買妾坡贈詩有詩人老
去鶯鶯在之句廬後屬張功甫鉉改築梅圃

環碧園

在柳洲寺側宋楊郡王府園也相近有楊王

上船亭

董嗣泉環碧園繞舍晴波聚釣仙五龍祠
畔柳洲前精虛不類侯家屋輪奐曾資母后

錢三面軒窗秋水觀四時簫鼓夕陽船
攬將山北山南翠獨有黃昏得景全

養魚莊 亦屬楊郡王府在柳洲白堦賦魚莊曼衍柳

洲縈帶謂此後歸鄭清之宋史本傳言清之賜第於
西湖之漁莊是也

二賢祠 順治間布政張公縉彥建祀端木子名子貢
使越祠康熙二十六年巡撫金公鉉以仲子舊祠之
在弼教坊者合祀于此改名柳洲二賢祠

問水亭 在柳洲亭左明司禮孫隆建爲遊人上船歸

泊之所今改聽水

徐林鴻問水亭歸舟春潮正急柳絲輕多少香車喜出城日日紙

鳶游碧落家家竹馬說清明
薔薇醺面携兒去艾蒻
梳頭約伴行小雨錦衣寒不著
淩波羅襪細無聲蘭
閨屈戌終年閉蕭寺琅璫幾日晴
保媼促歸還伫立
小鬟嬉戲自多情玉釵避客鸞頭仄
畫扇疑人鷁尾
橫未識諸家誰第一
紅塵十里綵雲生

小瀛洲

在問水亭南明會稽商周祚別墅陶望齡顏

額是處明時園亭鱗比相竝有祁世培之樓外樓余
武貞之尺遠居南則有黃元辰之池上軒周中翰之
芙蓉園北則有張元朴之寄園戴斐臣之戴園

兩峰書院

在湧金門外明刑部尙書洪鐘別業也鐘

致仕後築書院于西湖徜徉詩酒自號兩峰居士